





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. K.6.78 (a)





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. K.6.78 (a)






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. K.6.78 (a)




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. K.6.78 (a)



**C**Oratio habita Rome in funere sanctissimi domini no  
stri Innocentii Pape octavi multum sententiosa.








**O**ratio de eligendo Summo Pontifice habita Romę  
inecclesia sancti Petri ad sacratissimum Senatū Cardi  
nalianum Innocentio octauo de mortuo: per. R. ī xpo  
patrem Bernardinum Caruaial Paceñ. ep̃m: Regis &  
Reginę Hispanię oratorem. die transfigurationis do  
minicę sexta Augusti. M. CCCC. LXXXII.

**N**e leteris inimica mea super me: si cecidi consurgam  
Scribitur uerbum Micheę .vii.

**S**i unq̃ Romane ecclesię opus fuit Patres amplissimi  
illustrari supno ac diuino lumine: hoc ip̃m uel precipuū  
est tempus: quādo destituta pastore & capite felicissimo  
transitu sanctissimę recordationis Innocēti pape octau  
ad suffectionem pastoris alterius appropīquat. Cum. n.  
oculus & speculator deficiunt: graue est admodū ouib⁹  
bene dirigi ni superiore pastore ducantur: mihi quoq̃ ī  
re tam ardua de mandato uestri sacratissimi Senatus ora  
tionem habituro: opere pretiūz fuerit supplicatione diui  
na spūs sancti assistentiam impetrare: nempe qui hodie  
na die in missaz solēniis ab ecclesia inuocatus est ut elec  
tioni summi pontificis assistat: isdem mihi suppliciter ī  
plorandus erit: quatinus ieiune ac nude orationi meę de  
p̃suasione eiusdem optime electionis efficaciam tribuat.  
cogitatus meos instruat. mentes uestras illis & sibi cōfor  
mes reddat. linguā meam dirigat. aures uestras benignis  
sime adaperiat. mea uerba uiuificet. corda uestra ad illa  
capessenda foueat & alliciat. Nec diffidendum est quin oc  
currat hodie ecclesię in tantis calamitatib⁹ & periculis cō  
stitute: qui iuxta Ap̃li uerbum non p̃mittet illam ultra  
possibilitatem tentari. & qui ī euangelio futurum se me  
dium pollicetur: ubi duo uel tres ī suo nomine conuene  
rint. quicq̃ nunq̃ se desertuꝝ ecclesiam usq̃ ad consuma  
tionem seculorum Mathei ultimo calce p̃misit. Igitur





Spiritus sancti singulare assistentiā uulgata illa ecclesie  
oratione supplicabimus dicentes: Veni sancte Spiritus  
reple tuorum corda fidelium: & tui amoris in eis ignem  
accende. Amen.

Non arbitror futurum molestum Beatissimo uestro ce-  
tui Patres Reuerendissimi: militantis ecclesie fulgentissi-  
me columnę: ac hodie spes unica salutis mundi: si uobis-  
cum de meo more scholastice eloquar: ac dicēda breuior  
perstringam ordine. ea quoq; quę mihi consideranda oc-  
currunt in electione pontificis maximi thematis prose-  
cutione expediam. Erit igitur oratio nostra tripartita.  
Pars prima de ipso Innocentio demortuo. Secunda de il-  
lius summo pontificatu uacante. Vltima quę moralior  
& aptior erit: de illius carissima sponsa Romana & uni-  
sali ecclesia restauranda: & horum trium nomine trifaria  
thematis uerba claudemus: Ne legeris inimica mea super  
me: si cecidi consurgam.

**I**n primo conqueritur forsan quispiam Innocēianos  
q̄ absumpserit mors inimica benefactorē suū: q̄ clemē-  
tissimū & indulgētissimū dñm ac uere humanissimū & pi-  
entissimū patrem seculo eripuerit. Lego hinc oculis con-  
plures qui etiam lachrymas cohibere nequeunt memores  
dulcissime cōuersationis suę. Ego quoq; illius beneficio  
plus meis meritis delinitus: nisi ratione in aliud traheretur:  
crudelem illius mortē incusare: & grauiter lugendam cē-  
serē. Vex. n. uero xpianis moleste admodū lugere mor-  
tuos non licet: nam & apud gentes Litioꝝ feruntur esse  
precepta Ambrosio teste: quę uiros iubeant mulierū ue-  
stes induere si moerori indulgeant. quod mollem & effoe-  
minatū iudicauerint in uiro luctum. Fuisse etiā eiusdem  
testimonio feruntur populi gentiuq; q̄ ortus hominū lu-  
gerent obitusq; celebraret. Nec imprudēter q̄dem eos. n.  
qui in hoc uite salum uenissent merendos putabant. Eos  
uero qui ex istius mundi procellis & fluctibus emerisset



non in iusto gaudio prosequendos arbitrantur. & si hec  
apud gentes constantia in quibus fuit carnis imperium non  
spiritus: apud illuminatos ac spirituales christianorum animos mul  
to esse debet uberior. atque inde nos natales dies defuncto  
rum obliuiscimur: & cum quo obierunt die celebri solen  
nitate quotannis renouamus. Mors igitur christianorum cor  
da non frangat. primum quod communis est & cunctis debita: &  
hac lege naturam ex contrariis mixtam induimus: ut illam e  
xuamus quotiens placuerit actori nature. unde & iuxta  
Apostoli uerbum statutum est hominibus semel mori in quo & dei  
filio in humanis non est indultum. nepe si non pareretur se  
nio defecisset: prout nostri seniores scribunt. Quid igitur ab  
surdus quam ut id quod scias omnibus esse prescriptum: quasi spiri  
tale deplores: hoc est animam supra conditionem extollere: le  
gem non recipere communem nature consortium deuotare. De  
inde & mors grauius descendenda non est: quoniam seculi hu  
ius nos absoluit erumnis. nulla nepe uera potest esse iucun  
ditas inter tot uite nostre amaritudines: que uelut ex ip  
sius corporis infirmitate quasi certa ac necessaria officina  
generantur. Quid. n. in hac uita non experimur aduersus: quas  
non procellas tempestatesque perpetimur: quibus non agita  
mur incommodis: & quibus parcitur meritis. Lege patri  
archas: animo uolue prophetas: considera dei sanctos & ami  
cos: omnis eorum uita labor: anxietas: languor: erumina: mili  
tia. Vnde & sapiens Salomon apud Ecclesiasten ait: Lauda  
ui ego magis mortuos quam uiuentes. Inde & sanctissimus Iob  
perire uoluit: diem natiuitatis sue quasi malorum omnium ini  
tium. Generationis quidem diem perire uoluit: ut resurrecti  
onis die acciperet. Iuxta quod & Paulus: Cupio dissolui  
& esse cum christo. Et alibi: Mihi uiuere christus est & mori lu  
crum. Mors igitur tanquam eruminarum omnium laborumque presu  
gium: fida securitatis statio: quietis portus: amare christia  
nis descendenda non est. Et rursum somno quietem nancisci  
mur laboresque uitamus. ac nemo amici somnum grauius



lugendum censeret. mortem uero xpianum somnū depu-  
tat. Vnde & magister xps de Lazaro quatruiduano: La-  
zarus amicus noster dormit: uenite a somno excitemus e-  
um. Et ecclia cum meminit defunctorū ait. Qui nos prę-  
cellerunt cum signo fidei & dormiunt i somno pacis. Po-  
stremo non est xpiani officium frangi merore ex morte  
carorū cum eos sciat nō prorsus demori. Quinimmo prę-  
tiosam esse in conspectu dñi sanctorū mortem qua esse be-  
atificum & uiuere cōsequunt̃ eternum: ac expeditis uicu-  
lis carnis quę agrauant aīam: iubar splendidissimū quod  
oculus non uidit nec auris audiuit: meritis superioris ui-  
tę contingunt. Et pręterea reuineda cōporis expectatio  
xpianis de mortuis non adimitur. Quo fit ut minus con-  
sternari habeant carorū excessu. Cuius rei & Paulus me-  
minit ad Thessalonicē. scribens. Nolumus uos ignorā-  
fratres de dormientibus: ut non contristemini: sicut & cę-  
teris: qui spe. v3. resurrectionis non hñt & reliqua. Vn-  
de claret profundius consternatos aīo xpianorū interitu  
aut spe resurrectionis carē. aut xpiani consolationē & fruc-  
tu priuari. Plangat igitur christianus carum perperam  
morientem: qm̃ utrobiquē demoritur. Verum ubi beata ē  
mors: ubi indñō dormitio: cu3 bona. v3. recognitione cō-  
ditoris: criminum fletu: sacramentorum participatione:  
feratur & quo animo talis exitus. De Innocēti autē excel-  
su nuper dignissime Concordiē. antistes sapientissimus  
atq; ornatissimus orator plura disseruit: & uti pax cōcor-  
die conuenit ita: ita Paceñ. Concordiē. cōueniet pręsu-  
li. in hac re signanter q̃ uniuersę ecclies est notissima. In-  
nocentius igit sanctime ac recolendę memorię. viii. pon-  
tifex uniuerso pontificatu suo clementiam. pietatem. hu-  
militatem. humanitatem. & affabilitatem seruauit egre-  
gie. iusticiam custodiuit prę cęteris pacem & abūdantiā  
uerbis nutriuit & auxit. compluraq; alia pręclara egit q̃  
enumerari longum esset: inter quę hereticos Hispanię &



Valdensis galliæ exterminio dedit: ac Granatē, bello ad  
ultimā usq; uictoriā auctoritate consilio & auxilio chri/  
stianissimis Hispaniæ regi & reginæ semper astitit. Tan/  
dem octauo sui pontificatus anno longo ac diutino mor/  
bo laborans: ad certam suæ mortis noticiam dei singula/  
ri munere de uenit: fleuit ante actam uitam: credidit con/  
ditori: uiaticū & alia salutis sacramenta deuotissime susce/  
pit. Vñ merito iuxta uerba thematis increpitat morti cō/  
fessus dei misericordia & auxilio: Ne leteris mors inimi/  
ca super me: ne iacteris q̄ cecidi, nempe si cecidi, si ruinā  
per mortem & somnum corporis passus sum: Cōsurgam  
denuo & uita beata & resurrectionis gloria. Et uere pa/  
tres christianissim⁹ hic exitus Innocētii singlari nos im/  
plet spe futuræ bonæ electionis. Voluit nempe. D. & Pa/  
ulum secundum & Sixtum quartū fe. re. pōtifices maxi/  
mos prædecessores suos quasi repentina morte de medio  
tollere. Innocentius uero q̄tum ex parte dei fuit magno  
illius bñficio longe aliter ad p̄s suos aggregatus est. cur  
sanctissimo fini: beatissimū q̄ initiū futuræ creationis ad/  
iunget in ecclesia sua diuina clementia q̄ in necessariis nō  
deficit & in se sperantes assidue consolatur. Quare uale ul/  
timum Innocentio dicentes & ei btām requiē deprecātes  
ad aliam orationis partem transeamus.


**¶** Vbi de illius summo pōtificatu uerba thematis expli/  
caturi sum⁹, ac si pōtificatus ipse sūmus & maxius p̄ ex/  
cessum Innocētii uacās ex seipso hodie inuebat morti di/  
cēs: Ne leteris inimica mea sup me: si cecidi consurgā. p̄  
cui⁹ itroductiōe duplex occurrit problema. Primū utrū  
plenitudo ptātis clauū a xpō collata Petro par cōsurgat  
in successore. Scdm utrum ista plenitudo ptātis maneat  
ī ecclesia uel collegio sede uacāte. Duo hec disposuerat co/  
piosius expedire: uerū ut uidere uideor & tēporis breuitas  
& maior ecclesiæ occupatio: ac cōstus īmensa uis non p̄mit/  
tūt explicare concepta. Quare summati duo uerbula fa



ciam. q̄ btūm Petrū xp̄s constituerit caput & principē  
apostolorū uniuersalem animarū pastorem īmediatū vi  
cariū suū. ac eidem concesserit plenitudinē potestatis cla  
uiū & apostolice dignitatis primatū nemo ābigit q̄ xp̄ia  
ne sentit. Hoc. n. omnis historia euangelica apostolica &  
conciliaris habet exploratissimū. Nempe Petrus est cui  
dñs dixit: tu uocaberis Cephas. quod Isidorus interpre  
tat caput. fuit. n. caput & os apostolorū vertexq̄ collegi  
dicente Crisostomo Huic dñs singularius dicit tibi dabo  
clauēs regni celorū: Huic rogauī pro te ut non deficiat fi  
des tua. & tu aliqñ conuersus cōfirma fr̄s tuos. q̄ officiū  
est pastoris & principis inquit Crisostomus eidem. d. a  
scensurus ad celos prouisurus ecclesie de uniuersali rector  
in aliorū apostolorū presentia reliquos pertrāsīens iuxta  
vba Crisostomi ter ecclesiam pascendam & gubernādam  
cōmendauit. dicens anthonomatice primo pastori pasce  
agnos meos pasce oues meas. hoc est mei loco prepositus  
esto & caput fratrū tuorū inquit Crisostomus. huic eodē  
loco. d. dixit sequere me. q̄ non tm̄ de genere martiri in  
quo alii secuti sunt xp̄m. q̄ de ordine prelationis & magi  
sterii in quo Petrus pre ceteris successit xp̄o. Theophil⁹  
Crisostomus & Ber. interpretant: & in solutione didrag  
mē q̄. d. pro se & Petro fieri iussit & que solum erat capi  
tis census ostendit Iam. d. Petrū caput esse uel post suam  
resurrectionem futurū esse apostolorū iuxta Augustini sē  
tentiam. Idem in lotionē pedum cum ad Petrum ueluti  
caput primum dominus primum uenerit. q̄ etiam in  
de Cirillus argumentatus est. ipse solus pro collegio īter  
rogare & respondere solitus more promotoris & ducis O  
rigenes inquit. Post ascensionem quoq̄ domini uniuersa  
apostolica historia. Plena est q̄ in conciliis & congre  
gationibus apostolorum ipsis altantibus. Petrus fuerit  
primus loquens. Primus docens. Primus diffiniens. Pa  
tet in electione Mathie apostoli: inconfutatiōe irrisiōis



iudeorum de dono linguarum in apostolis: in disputatione  
cum iudeis. in sententia contra Ananiā & Saphirā in repul  
sione Symonis magi: in aggregatiōe gentium ad fidem quę  
sub Cornelio cepit: in diffinitione cessationis legalium. Qui  
bus & aliis plurimis uniuersa Actuum apostolicorum scrip  
tura rescripta est. Hęc autē Petrus beatissimus Spiritu sancto  
plenus precipuus humilitatis cultor minime attentasset  
inquit Didimus: Nisi ea ex officio sibi incumbere cogno  
uisset: & se ceteris prelatum fore institutione diuina mi  
nime dubitasset. Inde & Cirillus diuinissimus doctor A  
lexandrinus patriarcha in libro thesaurorum ait: quod apo  
stoli in suis euangelis & epistolis & in omni doctrina af  
firmarunt Petrum esse loco domini in eius ecclesia: dantes ei pri  
mum locum in omni concilio & synagoga: in omni electione  
& confirmatione. Primatum quoque Petri & pro eo ratio  
ne ecclesię duo illa prima ycomenica concilia de quattuor  
principalibus quę Gregorius uti quattuor euangelia uene  
rari profitetur definierunt: Constantinopolitana uideli  
cet & calcedonensis synodus. Et ordinatissime quidem. D.  
ecclesię suę unicum. P. & uniuersalem pastorem prefecit  
ad quem rerum omnium summa deferretur: ne destituere  
tur ecclesia gubernatione unius quam regnum aut monar  
chiam uocant: quamque omnis humana & diuina sapietia  
ceteris prelationibus anteponebat tollit. n. confusionem: au  
get reuerentiā: exequitur deliberationē: que sunt potio  
ra optimi principatus. Hinc. xi. Metaph. sapiētissimus A  
ristoteles: Entia nolunt male disponi: nec est bona plura  
litas principantium. Vnus ergo princeps. Inde uetus illa  
mater synagoga quę nostram prefigurabat ecclesiam u  
nicum habuit pontificem summum: & celestis Hierusa  
lem quam nostra quoque interris militans prefigurat uni  
co rectore gaudet. Media igitur nostra pastori unico co  
uenientissime commendatur: Quod uero in eodem pri  
matu & plenitudine potestatis aliquis succedere debeat





Petro in ecclia: ex eo euidentissime constat. Quod Xps i  
stituit ecclia usq; in fine seculi duraturā Mat h. ult. Non  
durat aut ecclia absq; capite. caput aut ex superinductis  
est aplicus thronus & primatus. hic igit duraturus est us  
q; in seculi finē. Vez Petrus felicissimo martyrio nobis  
absumptus est. cōsurgit ergo aplicus primatus ī successo  
re Petri Romano pont. i. eadē potātis & iurisdicōis ple  
nitudine q̄ in Petro prēfuit. Nec enim al̄s esset primatus  
aplicus: nec alias staret ecclia: nec portas inferi superaret  
si nullus in plenitudine ptātis Petro succederet. Hinc hēt  
canō cōciliū cōstātinopolitañ. p̄mi. Veneramur fm scrip  
turas & canonū diffinitiones sanctissimū antiquē Romē  
ep̄m primū esse & maximū ep̄oz. Et in Canone conciliū  
Calcedonen. scribitur: Siquis ep̄s prēdicat in famis libe  
rā habet licentiā appellandi ad beatissimū ep̄m antiquē  
Romē quē habemus Petrū petrā refugii & oīa ab eo dif  
finita teneantur tanq̄ a vicario aplici throni. Et in eodē  
concilio Calcedonen. legitur q; tota synodus Leoni pa  
pe primo acclamauerit dicēs: Leo sanctissimus aplicus &  
icomenicus. i. uniuersalis patriarcha: per multos annos ui  
uat. Iuxta quod Io. xxii. in quadam extrauaganti here  
ticū damnauit Marsilium de Padua. & Constantien. sy  
nodus Ioannem Hiis q; asseruerint nō esse de necessitate  
salutis obedire Romano pont. ¶ In altero dubio: utrū  
iste sūmus pontificatus aut hēc plenitudo potestatis ma  
neat in ecclesia uel collegio sede uacante. Solitū est p̄ sapi  
entes distingui. aut. n. hic pontificatus appellat auctem  
ipsam & summā iurisdictionē in fonte: & sic non perit de  
cedente pontifice. manet. n. in xpo primo pastore qui re  
surgens ex mortuis iam nō morit̄: quiq; eam ptātem Pe  
tro & in eo suis successoribus in mediate legauit. Aut hic  
pontificatus materialiter acceptus notat facultatē eligen  
di & de terminandi psonam q̄ summo pōtificatu fungat̄  
& in ea acceptione manet inmediate in collegio Cardina



Ium: mediate autē in ecclesia uniuersali. que tñ facultas ex  
auēte pōtifici Senatui cardinaliū accessit. Aut summus  
pontificatus in ppria acceptione notat xpī uicariatū &  
executionē siue administrationē illius summe iurisdic-  
tionis & plenitudinis ptātis clauū. sic. n. cessat morte ponti-  
ficis. in ecclesia nempe nō manet: nec in collegio: cui nul-  
la talis plenissima administratio cōpetit: nisi q̄tum sibi  
strato p̄decessoris cōcedit. nec rursum in xpō qui de le-  
ge cōi post ascensionem non est executus hmōi ptātem ī  
ecclesia: nisi summo pōtifice mediāte. Cessat igitur uacat  
perit hmōi pōtificatus: hoc est executio & administratio  
plenissima ptātis clauū p̄ empto pōtifice: nec usq; ad al-  
terius suffectionē cōsurgit. Quare graue est in ecclesia pi-  
culum differri summi pontificis electionē. caret. n. inte-  
rim p̄fectissimo illo munerē executionis & administrationis  
plenissime ptātis clauū. Hic igitur sūmus Innocētii pō-  
tificatus illius quodāmō morte de mortuus cōfusus de su-  
a optima & celeri resurrectione. actiōe quidem uestra pa-  
tres quo ad persone determinationem. Christi uero acti-  
one quo ad continuationem & executionem illius sum-  
me ptātis a xpō Petro & successoribus traditę. increpitat  
morti: Ne legeris inimica mea sup me: ne gratuleris q̄ce-  
cidi: q̄ Innocētii trāsitu executionē plenitudinis clauū  
intermisi nēpe nec sic diu de tinebis purgandos. nec alias  
spūales gratias inimica mors diu differes: nō speres ea ra-  
tione portas tuas posse cōtra ecclesiā p̄ualere: breui. n. cō-  
surgā ī optimo nouo ac dignissimo deligēdo pastore. &  
de. ii. parte satis. ¶ Sed iā ultimo reuocat nos carissima  
Innocētii spōsa ro. & uniuersalis ecclesia: q̄ uerba thema-  
tis p̄ sua restauratione non corporali: sed spūali morti d̄-  
siderat posse dicere. Hic autē adeste patres ex quo animo.  
hec nempe portio hodiernę oratiōis pprior est. Vex sub-  
stinate obsecro si paucula lingua in plenissimā uestrā de-  
duxero siluā & modicā aquę guttā in uestrū oceanū effu-



dero. Par. n. fuerit q̄ insipiēs ego sapiētissimū cētum ue  
strū de his quē ad se expectant admoneā. Vez. quoniam  
ea mihi prouincia a uobis demādata est psequar iter cep  
tum oportet. indulgendum tñ mihi magis expostulo si fa  
miliarius aut liberius que sentio eloquar. Nempe conscē  
di hunc locum ut mederer ecclesie nō blandirer. Et caris  
ad uite ritum pperantibus uera oīa aperiēda sunt: Et q̄s  
hec aperit nisi ceteris carior & notior? Ego uero uester v  
naculus patres. uester cliens: uestrarū opus manuum. a  
periam igitur casum nostrū: ruinā nostram: iteritum no  
strum si quo modo uel excognito releuemur iteritu. Ce  
cidit cecidit q̄ stare solebat maiestas illa & gloria Roma  
nē ecclesie. imutatus est color uultus eius. obtexit caligi  
ne dñs filiam Syon. proiecit de celo ī terram inclytā isra  
el. egressus est a filia Syon omnis decor eius. & quē uere  
olim magistra fuit discipline. uirtutū scola. locuplex sac  
tis & doctis: pro chdolor his omnib⁹ in maiori parte ua  
cua: uniuersorū criminum amaritudine repleta est. & q̄  
Io. partitur omne mundanū crimen triplici capite: con  
cupiscentia carnis: cōcupiscentia oculorum: supbia uite.  
Nōne id omne nos quatit patres? Utinam quateret mo  
do. utinam pulsaret tantum: & non iam irruisset. quin  
mo rupisset & uiolasset claustra pudoris & itegritatis ro  
manē ecclesie. Famolam peccatricē quis ambigit urbem  
romam? de qua & utinam. d. sicut ab illa euangelica sep  
tem euciat demonia: quorū seruit multitudini. Bone de  
us quanta istic criminum alluuio. horret tñ animus dice  
re qm̄ meminit sedem Petri. Sed nunqd nos blādiendo si  
lebimus q̄ ī plateis & tectis malefactis nostris publicaui  
mus? Quid. n. apud nos non sibi uendicat luxus? quē lo  
cum superbia non implet? cui parcit auaritia? quē non  
subigit auri sacra fames? Quid si ulterius descendā? Iube  
at tñ hic Plato quiescere. Fumabunt nempe uitiorū ster  
cora: & sola ipsa enarratio templum hoc sacratissimum



polluet. Consulto præteream urbis & curiæ nostræ excelsus: ac de formia mēbratim distinguere: ne parentis uidear pudenda reuelare: Sed dicet mihi quispiā iam hæc præcesserunt in seculis quæ fuerunt ante nos. Præcesserunt quidē: non inficior in ecclesia romana crimina: nā & septies in die cadit iustus: uerū non paria: uerū non ita crebra: uerū non ita publica: uerū non sic impunita: adde: uerū non sic premiata: adiunge rursum: uerū nō sic capitalia: hoc est capita ferientia. & capitis salus mēbris etiā infectis tunc salubriter influebat. Vnde fit patres ut tēpestas nostra maiora uulnera patiamur. Hæc nos exponunt in obedientiæ subditorū. hæc contēptui populorū & principū. hæc irrisioni & præde Thurcorū: dū. n. libidinibus: ābitiōibus & cupiditatibus nostris uacamus: maiestas perit ecclesiastici throni & uigilantia curæ pastoralis eliditur. Concidit igitur magna ex parte ecclesiæ romanæ maiestas: libertas auctoritas: gloria: & misericordiæ dñi est quod non profundius cecidit: imo quod iuxta Hieremiæ uerbū consūpti non sumus. Vniuersa hæc mala unde procedunt patres acapite inquā: infirmi nēpe capitis omne mēbrū languet. Quando speculator cæcus quando exēplar corruptū: quā caput morbidū: perperā inde uenire ōnia necesse est. Sed caput orbis aquo nobis erigitur: a Senatu nēpe uestro. Indulgete obsecro. Vos igitur estis in causa aut uniuersæ salutis: aut uniuersæ ruine totius orbis. aduertite quæ uobis hodie onus incūbat: datur uobis optio aut sūmi meriti si bonū: aut sūmi de meriti si malū elegeritis pastorem. Nullū quippe in uniuersitate criminū huic par est quo malus deligitur orbis rector. ueniunt nēpe ōnia mala: ōnia crimina pariter & cū illo. Quorū ōnium iniquus elector in culpa est. quicquid. n. successor pōtifex (si quod absit rectus non est) exorbitantiæ crudelitatis scandalis: iniquitatis ue cōmiserit: hoc omne scelus ad malos electores defertur. reddetis illius rationē in examine districti iudi



cū cogitate uos morituros patres: & breuī equidē: quoti  
die nempe morimur. Attendite quid profuerūt hūmōi co  
gitatus & somnia Paulo. Sixto. Innocentio: quoz̄ recens  
est memoria. quid collegis uestris quos ōnes absumpsit  
mors: ut nunc esculenta uermibus prēbeāt. Intēdite gre  
gi dñico in cuius sollicitudinis potiorē partē uocati estis  
Quod si uos hęc eterna non mouent quę etiā mouerent  
ferreos & uelut magnēs attraherent: cōsultē saltem cōf  
uationi tēporalis dignitatis uestre: cuius uel maxima sū  
ma est in electione romani pontificis. Attendite rursum  
patres: attendite & mibi si uera dicam. dicam equidem ī  
dulgete: non habuit semper uestra dignitas q̄uis in eccle  
sia excellentissima oīmodam electionem ro. pōtificis. fu  
it aliqñ hęc electio imperatoribus credita. quod & iure  
constat Hadriani pontificis tēpore. aliqñ cetui uestro si  
mul cum clero & Ro. populo iuxta ordinationem Nico  
lai. ii. Deinde propter scindenda scismata & sanctiorē ac  
breuiorem electionem ad senatum uestrum & merito q̄  
dem unice delata est. non īterfluxere tñ multa tēpora qñ  
uniuersalis ecclesia hoc tātis per īmutauit. Quia. n. uarię  
electiones a dñis cardinalibus celebratę apud uniuersam  
ecclesiam de ambitione: similitate: & auaritia grauitē su  
spectę fuerant: ordinauit ecclesia in constantinensi syno  
do quod p̄cise in electione Martini. v. xxx. alii electo  
res oratores principum & p̄lati ex parte nationum de  
putati senatui cardinalium adiungerentur. inter quos &  
Io. tunc meę Pacensis ecclesię antistes pro parte nationis  
Hispanicę annumeratus est. Non hęc tamē eueniant pa  
tres. non digna sunt ut aliquid immutetur de solita & cō  
uenientissima ecclesię ordinatione: qua electio capitis or  
bis ad cardines orbis unice ac meritissime deferē. Vex̄ nō  
sit in uobis huius abusus īnuneris. Nempe si: quod absit  
crebre essent & assidue in uos similitates: ambitiones: pac



tiones in electione Vicarii Iesu Christi: & non pro utili-  
tate publica sed priuata sponsum ecclesie institueritis: co-  
gitabit ecclesia: cogitabunt principes ne is error cunctis fi-  
delibus & uniuerso orbi in perniciem sit. Considerare de-  
beretis patres qui arctissimo uinculo ecclesie Romanę tene-  
amini quę uos carissime fouet insinu pectoris sui cum su-  
ma gloria: & summa uenerationis gratia. rependite illi  
uicem. respondete in amore. occurrите labenti ac fluctua-  
ti Petri nauiculę: quę non modo iam magnis operitur  
fluctibus: uerum caribde & scilla importunis periculis in-  
uoluitur. Preficite illi ductorem qui merito dicatur &  
sit uicarius christi: successor Petri: uniuersalis ecclesie spo-  
sus: director & pastor. Verum dicit aliquis: satis mihi ē  
si bonum deligam cui nihil obsistat canonicum. Longe  
ego aliter in hac summa electione sentio. nempe non est  
mihi tutus quo ad deum: quauis in contentione nihil  
timeat: quę cum agitur de summo eligendo pastore: re-  
licto meliore saltem in collegio bonū deligit. Inde He-  
ronimus: Sciant omnes quod qui doctior: qui sanctior:  
qui omni uirtute eminentior: is ad summum sacerdotiū  
eligendus est. Nempe si inter eorum episcoporum elec-  
tionibus attendenda sunt & pro possibili seruanda illa ca-  
pitula apostolice regulę ad Timotheū. Oportet episco-  
pum irreprehensibilem esse unius uxoris uirum sobrium  
ornatum: prudentem: pudicum: hospitalem: doctorem  
non uiolentum: non percussorem: sed modestum: non  
litigiosum: non cupidum: suę domui bene prepositum.  
& reliqua: quāto uberius in electione episcopi episcoporum  
& uniuersalis pastoris animarū hęc discutienda sunt. In-  
de Simacus papa beatissimus ait. Vilissimus reputandus  
est cum non excedit sanctitate & sciētia quę est honor pre-  
stantior. Et Bern. de consideratione ad Eugenium tertium  
Monstruosa res est gradus summus & animus infimus:

bz



sedes prima & uita ima. Si ergo patres adsumū pontifi-  
catū sēper & omni tēpore melior assumendus fuit: quan-  
to magis tēpestas nostra quando propter ruinā auctori-  
tatis: libertatis & reformationis ecclesię. difficilior est illi  
regiminis uia: adeo ut non modo uideatur idigere hodie  
Pont. successionē Petri in plenitudine potestatis clauum  
uerū & in plenitudine gratię miraculoꝝ: cū fere miracu-  
lo ascribi debeat ex tanta ruina: ac fere extercore ecclesiā  
erigere. In tanta ergo calamitate & necessitate ac seruitu-  
te ecclesię plurimū oportebit inter alia capitula apostoli-  
cę regulę hodie cogitare patres de. v. capitulo prudentē  
de uiro aliquo uidelicet prudētī: prouido ac circūspecto  
sufficiendo pastore. Prudentia omnia fere bona sub se cō-  
tinere uidetur: & maxima ecclesię ruina ex ignauia & mo-  
dica circūspectiōe pontificum pululauit. Deligatur er-  
go a uobis prudentior quispiā qui contra huic languori  
medeatur. restituet cū prudentia iura: priuilegia ac liber-  
tatē ecclesię. principes & populos in bona obedientia ac  
reuerentia continebit. prudentia etiā sine scandalo refor-  
mabit domū suam Romanā curiā: & inde facile omnē ec-  
clesiā quam etiā in pace & cū prudentia generaliter con-  
gregabit uel in laterano saltē cū ea uel sola sit relicta me-  
dicinā auctoritatis & libertatis ac reformationis ecclesia-  
sticę restaurandę: & Mahumetane expugnandę perfidię  
per uia uidelicet unius prudētis & pacifici generalis xp̄ia-  
norū conuentus. rescindet quantū par fuerit exactiōes  
nouas & seruitutes curię. fideles & prudētes seruos super  
familiā dñi constituet. fideles inquā ne fraudent: pruden-  
tes ne fraudentur. profligabit cū prudentia Turchos in-  
festissimos hostes a fidelīū terminis q̄ quotidie īminent  
dorso nostro ac membratī xp̄iana dominia conscidunt.  
O mirabilē & exitiālē somnū ac ignauā pontificū roma-  
norū & xp̄ianorū principū. Expergiscimini expergisci-  
mini: iam p̄pe est hostis & ī ianuis & nos somno uinoq̄



sepellimur: Non curamus cum ad nos hodie non deue-  
rit hostis: q̄ ad Pannoniā uel xp̄icolas alios descenderet.  
Omnibus tamen debet romana ecclesia patres omniū est  
uniuersalis parens curā & sollicitudinē uniuerſi gregis do-  
minici ax̄po dño suscepit & uicissitudinē plagarū expec-  
temus uerius timeamus ab hoste: q̄ ita assueuit nunc hos  
nunc illos percutere. Consurgite xp̄iani principes: uigila-  
te omnes. deuitate securim quē ad radicem uestrā uerius  
cervicē sepius apponitur. Si uellet bonus pontifex quod  
utiq̄ summe uelle debbit: animare xp̄ianos principes in  
extermīniū istius fere pessimē quē uniuersam depascitur  
ecclesiam: non ambigo quin bonē suę menti occurreret de-  
us. Zelus. xp̄ianorū non deerit. Iuuabitur expeditio ex-  
Zinzemino nobiscū agentis: qui uires fratris sui tyranni  
Turchoz scismate minuet. Nempe si solum patres ut no-  
stra tueamur exercitū cōparemus: diētim expurcissimus  
hostis nostra corrodet dominia. Nec existimo carere di-  
uino mysterio q̄ hoc tēpore hostis exercitū in xp̄ianos  
dimiserit: ut uobis patres Innocētio de mortuo magis ac  
magis necesse sit cogitaŕ de optimo pastore & dignissimo  
defensore xp̄iani cetus deligendo.

**C**Verū si hęc omnia quę sunt maxima & potissima mis-  
sa faceremus: solū ueſtri gratia meliorē & prudentiorem  
eligere deberetis. is. n. solus poterit restituere uobis liber-  
tatem: auctoritatem existimationem: reputationē & glo-  
riam deperditam. Et pręterea nunq̄ respondet gratitudi-  
ne & amore qui bonus non est. nec fundamentum aliqd̄  
stabile amicitię & dilectionis teneri potest ubi uirtus  
abest. Date igitur patres pastorem cui & uos merito subi-  
icimini: & terrarum principes cum Valentiniano dicant  
Talē in pontificali constituite sede cui & nos qui guber-  
namus imperium sincere nostra capita submittamus: &  
eius monita dum tanq̄ homines delinquimus ueluti cu-  
rantis medicamina suscipiamus. Est. n. merito Roman⁹



pontifex iuxta Bernardum de consideratione ad Eugeni-  
um sacerdos magnus. pontifex summus. princeps episco-  
porum. heres apostolorum. primatu Abel. gubernatu  
Noe. patriarchatu Abraham. ordine Melchisedech. digni-  
tate Aaron. auctoritate Moyses. iudicatu Samuel. pote-  
state Petrus. unctione xps. Attendite igitur patres acces-  
suri ad tantum mysterium: tantum sacramentum: ad ta-  
summam electionem: circūdate preputium cordium ue-  
strorum: hoc est ambitionem: rācorem: emulationem ac  
simultatem omnem deponite. spoliare ueterem hominem  
cum omnibus actibus & tractatibus suis: reddite hanc ui-  
cem deo & ecclesie: que apud uos hoc electionis munus de-  
posuit. Nec uacari diuino arbitror mysterio q̄ prima di-  
es istius uere electionis incelebritate dominice transfigu-  
rationis inceperit. Nempe solemnitates ecclesie imitatio-  
nes sunt earum rerum quas ecclesia celebrat Augustino  
dicente. Solemnitates martyrum exhortatiōes sunt mar-  
tiriorum ut imitari non pigeat: quod celebrare delec-  
Eya igitur transformamini: transfiguramini patres in-  
uiros alios. transformate ecclesiam columnę ecclesie in-  
splendorem alium: ita ut resplendeat facies eius sicut sol:  
& uestimenta illius albescant sicut nix. Per faciem aute-  
quid nisi caput & sponsum ecclesie intelligam. Per uesti-  
menta quid nisi illius membra concipiam: constituite er-  
go patres in nouo ecclesie sponso deligēdo tria illa taber-  
nacula que Petrus in excessu mentis constitutus fieri pe-  
tebat: xpi. v. Moysi & Helię. Tabernaculum xpi ut fide-  
lis & catholicus sit futurus pontifex & xpi imitator cu-  
ius uicarius. Moysi ut legislator optimus & mansuetissi-  
mus sit super terram. Helię ut diuini honoris zelator &  
ecclesie reformationis & glorie emulator uehementissi-  
mus sit. Confidite: sperate patres in xpo dño illuminabit  
uos: uiuabit uos si recte in bonum tenderitis. magna uē-  
pe est sibi de ecclesia cura. Vnde Crisostomus & dignissi



me in quadam omelia: Propter ecclesiam celum extensū  
est. aer spāsus est: mare diffusum est. terra fundata est. pa  
radisus plantatus est. mirabilia magna facta sunt. prop  
ter ecclesiam mare diuidebatur & iterum suebatur. prop  
ter ecclesiam prophete. propter ecclesiam apostoli. prop  
ter ecclesiam unigenitus dei fili⁹ factus est homo. ipse il  
lam fundauit qui angelos & celum creauit. propter celū  
crucifixus non est. propter celum celeste corpus non ac  
cepit: nec naturam angelorum assumpsit: ut discas quo  
niam celo angelus & omni creatura honorabilior est ec  
clesia. Hec Crisostomus. Cui igitur tanta est de ecclesia  
cura: nonne erit de capite & sponso ecclesie? Erit profec  
to summa & maxima: illuminatio quippe motio & inspi  
ratio diuina in electione capitis ecclesie maior q̄ in ceteris  
futura est. nisi nos obicein diuine motioni appluerimus  
quod nostris quandoq; demeremur criminibus: iusta qđ  
scriptum est. Regnauerunt & non ex me & qui regnare fa  
cit hipocritā propter peccata populi. Hoc tamen uestro  
ministerio & diuina clementia in tanta ecclesie necessitate  
non expectamus patres. Vtinam uerba nostra: que non  
nostra sed dei sunt: eo suscipiantur animo quo dicuntur.  
Vobis ergo patres sit bona mens non deerit diuina illu  
minatio. concordia & inspiratio: nobis omnibus inde erit  
optima spes: erit uobis auxilio his diebus uniuersa eccle  
sia oratione continua: & ad xp̄m de cuius uicario agitur  
& ad Petrum de cuius successore. Dabit nobis pastorez  
qui reformabit & eriget collapsam ecclesiam: sub quo ad  
spiritualem mortē audeat dicere: Ne legeris inimica mea  
super me: nempe si cecidi ignauia: infamia: crimine. ab his  
omnibus sub optimo pastore cōsurgam: quem nobis cō  
cedat Christus dominus in secula benedictus. Amen.